



Broj: 2-112/15
Sarajevo, 14.10.2015. godine

UPRAVNOM ODBORU

Informacija o realizaciji ljetovanja u kampu na Boračkom jezeru u 2015. godini

Ljetovanje na Boračkom jezeru, u saradnji s Odredom izviđača „Neretva“ Konjic, realizovano je sa 114 učesnika iz Sarajeva, Visokog, Fojnice, Vareša, Zavidovića, i Konjica, u dvije smjene, od 06 do 14. jula 2015. godine.

Pripreme za realizaciju ljetovanja

Tokom ljetovanja planski su realizirani slijedeći sadržaji:

Edukativni: Pružanje prve pomoći, Nasilje nad djecom, Dječija prava, Zaštita od mina, Upravljanje ličnim budžetom, te 5 testova o poznavanju BiH, Udruženja „Obrazovanje gradi BiH“, historije i jedan finalni test.

Sportsko-rekreativni: Kvalifikaciona i finalna takmičenja u malom nogometu, odbojci na pijesku i šahu, i prijepodnevi i popodnevni boravak na plaži.

Zabavni: Disko večeri, Izbor miss i mistera kampa uz prigodan program, i proglašenje najuspješnijih sportskih ekipa i pojedinaca.

Društveni: Na primjeren način obilježen je 11. juli - Evropski dan sjećanja na genocid u Srebrenici.

Ovim povodom Jovan Divjak, izvršni direktor učesnicima je održao predavanje posvećeno genocidu u Srebrenici.

Jednom broju učesnika omogućeno je obavljanje vjerskih obaveza za vrijeme mjeseca Ramazana.

Rad Štaba ljetnog kampa

Štab kampa u cjelosti je izvršio funkcionalne obaveze i odgovornosti što je doprinijelo odgovornom ponašanju učesnika ljetovanja. naročito zalaganje, uz svakodnevno veliko opterećenje, ispoljile su kuharice.

Posebno zalaganje članova Štaba i rukovodilaca grupa ispoljeno na zaštiti zdravlja, sigurnosti i lične imovine učesnika, kao i na razvijanju vjerske i etničke tolerancije, pozitivnih moralnih osobina i patriotizma prema domovini Bosni i Hercegovini.

Rad radnog osoblja kampa

Naročito zalaganje, uz svakodnevno veliko opterećenje, ispoljile su kuharice.

Značajna zapažanja: Tokom ljetovanja nije bilo težih povrijeđivanja i oboljenja, radilo se uglavnom o ogrebotinama, ubodu insekata, blažim oblicima upala i blagim povećanjima tjelesne temperature i slično pri čemu je pravovremeno, u kampu, pružena odgovarajuća pomoć.



Jovan Divjak, izvršni direktor održao je dva sastanka sa učesnicima na kojima je govorio o značaju, planskim aktivnostima, odgovornom ponašanju, toleranciji i načinu ostvarenja ciljeva ljetovanja.

Mehmed Agić, potpredsjednik Upravnog odbora, u ulozi koordinatora boravio je u kampu tokog cijelog perioda ljetovanja.

Tokom ljetovanja dodjeljene su sljedeće stimulativne mjere:

- 6 kolektivnih zahvalnica organizacijama – učesnicama ljetovanja i Gradskoj pekari Konjic
- 13 pojedinačnih zahvalnica vođama grupa, njihovim zamjenicima, članovima Štaba i radnom osoblju Kampa
- 10 pojedinačnih pohvala
- 13 knjiga s posvetom
- 6 diploma pobjednicima u sportskim takmičenjima
- 8 diploma za položeno izviđačko vještarenje „Plivač“
- 18 diploma za učesnike koji su na ljetovanju naučili plivati
- 29 pohvala pred strojem
- 41 nagrada na najbolje uređen šator
- 1 simboličan poklon za rođendan
- 1 nagrada – laptop najboljem učesniku
- 1 nagrada – nogometna lopta najmlađem nogometašu
- 1 nagrada - Pechar Saveza ratnih vojnih invalida iz BiH u dijaspori BiH, članici Ženskog nogometnog kluba „Travnik“ iz Travnika i reprezentativki BiH u ženskom nogometu.

Stipendisti Udruženja „Obrazovanje gradi BiH“ i ovog put bili su simbolično zastupljeni , što ukazuje na nedovoljan interes za ljetovanje na Boračkom jezeru.

Uz primjernu disciplinu, naročito zalaganje u realizaciji edukativnih sadržaja ispoljili su učesnici OŠ „Vareš Majdan“ iz Vareša i volonteri Crvenog krsta/križa Općine Novo Sarajevo.

Troškovi ljetovanja u iznosu 16.732 KM podmireni su sredstvima stranih i domaćih donatora u novcu i robama, sredstvima Udruženja, i oslobođanjem obaveze plaćanja boravišne takse od Turističke zajednice HNK, Podružnica Konjic-Jablanica.

Zaključci:

1. Opći i posebni ciljevi ljetovanja ostvareni su u visokom stepenu, prema Okvirnom planu ljetovanja čemu je doprinijelo uspješno rukovođenje.
2. Smještaj i ishrana su bili na nivou koji je zadovoljio standarde boravka u prirodi.
3. Uspješno su realizirani edukativni, sportsko-rekreativni i zabavni sadržaji.
4. Nisu zabilježeni teži oblici povrijeđivanja, osnovna prva pomoć pružana je u kampu.
5. Učesnici su anketiranjem dali pozitivne ocjene o kvalitetu ljetovanja, i izrazili želju za učešćem u 2016. godini.

Prijedlozi:

- Izvršiti analizu nezainteresiranosti stipendista za učešće na ljetovanju
- Nastaviti saradnju sa OOCK Novo Sarajevo i za eventualno naredno ljetovanje.
- Nastaviti saradnju sa Odredom izviđača „Neretva“ Konjic.

IZVRŠNI DIREKTOR
Jovan Divjak